

LES
PROPHETIES
DE M. MICHEL

NOSTRADAMVS.



A LYON,
Chés Macé Bonhomme.

M. D. LV.



La permission est inserée à la page suiivante.

AVEC PRIVILEGE.

Extrait des registres de la
Seneschaucée de Lion.

SUR CE que *Mascé Bonhomme Imprimeur* demeurant à *Lyon*, ha dict avoir recouvert certain livre, intitulé, *LES PROPHEITIES DE MICHEL NOSTRADAMVS*, qu'il feroit volentiers imprimer s'il nous plaisoit, luy permettre ce requerrâ: Et outre ce defences estre faictes à tous Imprimeurs Et autres de ne l'imprimer, ou faire imprimer de deux ans. Et apres que le dict livre ha esté par nous veu en aucuns points d'iceluy Et que le dict *Mascé Böhöme* ha affermé en tout iceluy livre n'avoir aucune chose concernant la foy prohibée. Avons, ouy sur ce le procureur du Roy permis, Et permetons au dict *Mascé Bonhomme* de pouoir imprimer, Et faire imprimer le dict livre. Et si avons faict defences de par le Roy à tous imprimeurs d'icelluy n'imprimer dès deux ans à conter du iour Et date de la presente à peine de confiscation desdicts livres: et d'amende arbitraire.

Faict à *Lyon* par nous *Hugues du Puis*, seigneur de la *Mothe*, Conseillier du Roy, Et Lieutenant particulier en la *Seneschaucée* de *Lyon*: le dernier iour d'*April*, l'an mil cinq cents cinquante cinq.

Collation faicte.

Signé,

Du Puis.

I. Croppet.



P R E F A C E


D E M. M I C H E L

N O S T R A D A M V S

à ses Propheties.

Ad Casarem Nostradamum filium

V I E E T F E L I C I T E .



ON TARD aduenement
C E S A R N O S T R A D A M E
mon filz, m'a fait mettre mon
long temps par continuelles
vigilations nocturnes reserer
par escript, toy delaisser me-
moire, apres la corporelle extinction de ton
progeniteur, au commun profit des humains
de ce que la Diuine essence par Astronomi-
ques reuolutions m'ont donne congnoissan-
ce. Et depuis qu'il a plu au Dieu immortel

que tu ne soys venu en naturelle lumiere dans
cette terrene plaige, & ne veulx dire tes ans
qui ne sont encores accompaignés, mais tes
moys Martiaux incapables à recepuoir dans
ton debile entendement ce que ie seray con-
trainct apres mes iours de finer: veu qu'il n'est
possible te laisser par escript ce que seroit par
l'iniure du temps oblitéré: car la parole here-
ditaire de l'occulte prediction sera dans mon
estomach intercluse: consyderant ausi les ad-
ventures de l'humain definement estre incer-
taines: & que le tout est regi & gouverné par la
puissance de Dieu inextimable, nous inspirāt
non par bacchāte fureur, ne par lymphatique
mouvement, mais par astronomiques asser-
tions, *Soli numine diuino afflari presagiunt, &
spiritu prophetico particularia.* Combien que de
longs temps par plusieurs foys i'aye predict
long temps au-parauant ce que depuis est ad-
uenu & en particulieres regions, attribuant le
tout estre faict par la vertu & inspiration diui-
ne & aultres felices & sinistres aduentures de
accelérée promptitude prononcées, que des-
puis sont aduenues par les climats du monde
aiant voulu taire & delaisé pour cause de
l'iniu

l'iniure, & non tant seulement du teps present, mais aussi de la plus grande part du futur, de meure par escrit, pource que les regnes sectes & religions seront changes si opposites, voyre au respect du present diametralement, que si ie venoys à reuerer ce que à l'aduenir sera, ceux de regne, secte, religion, & foy trouueroient si mal accordant a leur fantasie auriculaire, qu'il viendroent à damner ce que par les siecles aduenir on congnoitra estre veu & apperceu: Consyderant aussi la sentence du vray Sauueur, *Nolite sanctum dare canibus, nec mittatis margaritas ante porcos ne conculcēt pedibus & conuersi dirumpant vos.* Qui a esté la cause de faire recurer ma langue au populaire, & la plume au papier: puis me suis voulu estendre declarant pour le commun aduenement par obstruses & perplexes sentences les causes futures, meimes les plus vrgentes, & celles que i'ay apperceu, quelque humaine mutation que aduienne ne scandalizer l'auriculaire fragilité, & le tout escrit sous figure nubileuse, plus que du tout prophetique: combien que, *Abscondisti hac à sapientibus, & prudentibus, id est potentibus & regibus, & caueasti ea exi-*

guis & tenuibus, & aux Prophetes: par le moyé de Dieu immortel, & des bons anges ont receu l'esprit de vaticination, par lequel ilz voyent les causes loingtaines, & viennent à preuoyr les futurs aduenementz, car rien ne se peut paracheuer sans luy, auquelz si grande est la puissance & la bonté aux subiectz que pendant qu'ilz demeurent en eulx, toutesfois aux aultres effectz subiectz pour la similitude de la cause du bon genius, celle chaleur & puissance vaticinatrice s'approche de nous: comme il nous aduient des rayons du soleil, qui se viennent getans leur influence aux corps elementeres, & nó elementeres. Quant à nous qui sommes humains ne pouuons rien de nostre naturelle cognoissance, & inclination d'engin congnoitre des secretz obstruses de Dieu le createur, *Quia non est nostrum noscere tempora, nec momenta* & c. Combien que ausi de present peuent aduenir & estre personnaiges que Dieu le createur aye voulu reueler par imaginatiues impressions, quelques secretz de l'aduenir accordés à l'astrologie iudicielle, comme du passé, que certaine puissance & volontaire faculté venoit par eulx, com-

me flambe de feu apparoir, que luy inspirant on venoit à iuger les diuines & humaines inspirations. Car les oeuvres diuines, que totalement sont absoluës, Dieu les vient paracheuer: la moyenne qui est au milieu, les anges: la troisieme, les mauuais. Mais mon filz ie te parle icy vn peu trop obstrusement: mais quant aux occultes vaticinations que lon vient à receuoyr par le subtil esperit du feu qui quelque foys par l'entendement agité contemplant le plus hault des astres, comme estant vigilant, mesmes que aux prononciations estant surprins escrits prononceant sans crainte moins a uinct d'inuerecûde loquacitè: mais quoy? tout procedoit de la puissance diuine du grand Dieu eternal, de qui toute bontè procede. Encores mon filz que i'aye inseré le nom de prophete, ie ne me veux attribuer titre de si haulte sublimite pour le tēps present: car qui *propheta dicitur hodie, olim vocabatur uidentis*: car prophete proprement mon filz est celuy qui voit choses loingtaines de la cognoissance naturelle de toute creature. Et cas aduenât que le prophete moyenât la parfaicte lumiere de la ,pphetie luy appaire manifeste-

ment des choses diuines, comme humaines: que ne ce peult fayre, veu les effectz de la future prediction s'estēdāt loing. Car les secretz de Dieu sont incomprehentibles, & la vertu effectrice contingent de longue estendue de la cōgnoissance naturelle prenēt son plus prochain origine du liberal arbitre, faict aparoir les causes q̄ d'elles mesmes ne peuuet aquerir celle nouice pour estre cognuēs ne par les humains augures, ne par aultre cognoissance ou vertu occulte cōprinse loubz la concaulté du ciel, mesmes du faict present de la totale eternité que vuet en soy embrasser tout le tēps. Mais moicennant quelque indiuisible eternité par comuiale agitation Hirachienne, les causes par le celeste mouuemēt sont cognuēs. Je ne dis pas mon filz, afin que bien l'eniēdes, que la cognoissance de ceste maniere ne se peult encores imprimer dans ton debile cerueu, que les causes futures bien loingtaines ne soient à la cognoissance de la creature raisonnable: si sont nonobstant bonement la creature de l'ame intellectuelle des causes presentes loingtaines, ne luy sont du tout ne trop occultes ne trop reuerées: mais la parfaite des causes
nou

notice ne se peut aquerir sans celle diuine inspiration : veu que toute inspiration prophétique reçoit prenant son principal principe mouant de Dieu le createur, puis de l'heur, & de nature. Parquoy estans les causes indifferantes, indifferemment produictes, & non produictes, le presaigne parue aduiēt, ou à esté predict. Car l'entendement créé intellectuellemēt ne peut voir occultemēt, sinō par la voix faite au lymbe moyennant la exigue flamme en quelle partie les causes futures se viēdrōt à incliner. Et aussi mō filz ie te supplie que iamais tu ne vueilles éploier tō entendement à telles resueries & vanités qui seichent le corps & mettent à perdition l'ame, dōnant trouble au foible sens: mesmes la vanité de la plus que execrable magie reprobuée iadis par les sacrées escriptures, & par les diuins canons: au chef duquel est excepté le iugement de l'astrologie iudicielle: par laquelle & moyennant inspiration & reuelation diuine par continuelles veilles & supputations, auons noz propheties redigé par escript. Et combien que celle occulte Philosophie ne fust reprobuée, n'ay onques voulu presenter leurs effrenées persuasiōs:

combien que plusieurs volumes qui ont esté cachés par longs siècles me sont esté manifestés. Mais doutant ce qui aduiendroit en ay fait, apres la lecture, present à Vulcan, que pendant quil les venoit à deuorer, la flamme leschant l'air rendoit vne clarté insolite, plus claire que naturelle flamme, comme lumiere de feu de clystre fulgurant, illuminant subit la maison, comme si elle fust esté en subite cōflagration. Parquoy affin que à l'auenir ni feusses abusé prescrutât la parfaicte trâlformation tant seline que solaire, & soubz terre metaulx incorruptibles, & aux vndes occultes, les ay en cendres conuertis. Mais quant au iugement qui se vient paracheuer moyennant le iugement celeste cela te veulx ie manifester: parquoy auoir congnoissance des causes futures reiectant loing les fantastiques imaginations qui aduiendroût, limitant la particularité des lieux par diuine inspirations supernaturale accordât aux celestes figures, les lieux, & vne partie du temps de propriété occulte par vertu, puissance & faculté diuine: en presence de laquelle les troys temps sont comprins par eternité, reuolution tenant à la cause passée, presen

presente, & future: quia omnia sunt nuda & aperta &c. Parquoy mon filz, tu peulx facilement nonobstant ton rendre cerueau, comprendre que les choses qui doiuent auenir se peuuent prophetizer par les nocturnes & celestes lumieres, que sont naturelles, & par l'esprit de prophetie: non que ie me vueille attribuer nomination ni effect prophetique, mais par reuêlée inspiration, comme homme mortel esloigné non moins de lens au ciel, que des piedz en terre, *Possim non errare, falli, decipi*: suis pecheur plus grand que nul de ce monde, subiect à toutes humaines afflictions. Mais estant surprins par foys la sepmaine lymphatiquant, & par longue calculation rendant les estudes nocturnes de souefue odeur, j'ay composé liures de propheties cōtenant chascū cēt quatrains astronomiques de propheues, lesquelles j'ay vn peu voulu raboter obscurémēt: & sont perpetuelles vaticinations, pour d'yci a l'an 3797. Que possible fera reurer le frôt à quelques vns en voyant si longue extension, & par souz toute la concavité de la lune aura lieu & intelligence: & ce entendent vniuersellement par toute la terre, les causes mon filz. Que si tu

is l'vaage naturel & humani, tu verras deuers
ton climat au propre ciel de ta natiuité les futu
res auantures preuoyr. Combien que le seul
Dieu eternal, soit celuy seul qui congnoit l'e
ternité de sa lumiere, procedât de luy mesmes:
& ie dis franchemēt que à ceux à qui sa magni
tude immense, qui est sans mesure & incôpre
hensible, ha voulu par lōgue inspiration melā
chologique reueler, que moyennant icelle cause
occulte manifestée diuinemēt, principalemēt
de deux causes principales qui sont cōprinſes
à l'entendemēt de celui inspiré qui prophétise
l'vne est que vient à infuser, esclarcissant la lu
miere supernaturelle au personnage qui pre
dit par la doctrine des astres, & prophétise par
inspirée reuelation: laquelle est vne certe par
ticipation de la diuine eternité: moyennant le
prophete viēt à iuger de cela que son diuin espe
rit luy ha donné par le moyen de Dieu le crea
teur, & par vne naturelle instigation: cest assa
uoir que ce que predict, est vray, & a prins son
origine etheréement: & telle lumiere & flam
be exigue est de toute efficace, & de telle altitu
de: non moins q̄la naturelle clarté & naturel
le lumiere rend les philosophes si assurez que


mo yen

moyennant les principes de la premiere cause ont attainct à plus profondes abysses de plus haute doctrine . Mais à celle fin, mon filz, que ie ne vague trop profondement pour la capacité future de ton sens , & aussi que ie trouue que les lettres seront si grâde & incomparable iacture, que ie treuve le monde auant l'vniuerselle conflagration aduenir tant de deluges & si hautes inundations, qu'il ne sera gueres terroir qui ne soit couuert d'eau : & sera par si lōg temps que hors mis enographies & topographies, que le tout ne soit per: aussi auant telles & apres inundations, en plusieurs contrées les pluies seront si exigues , & tombera du ciel si grande abondance de feu , & de pierres candentes, que ni demourra rien qu'il ne soit consummé : & ceci auenir, & en brief, & auant la derniere cōflagration. Car encores que la planete de Mars paracheue son siecle, & à la fin de son dernier periode, si le reprendra il : mais assemblés les vns en Aquarius par plusieurs années, les autres en Cancer par plus longues & continues. Et maintenāt que sommes cōduicts par la lune, moyennant la totale puissance de Dieu eternal, que auant qu'elle aye paracheué

son total circuit, le soleil viendra, & puis Saturne. Car selon les signes celestes le regne de Saturne sera de retour, que le tout calculé, le môde s'approche, d'une anaragonique reuolutiô: & que de present que ceci i'escrictz auât cent & septâte sept ans troys moys vnze iours, par pestilence, longue famine, & guerres, & plus par les inundations le monde entre cy & ce terme prefix, auant & apres par plusieurs soys, sera si diminué, & si peu de monde sera, que lon ne trouuera qui vucille prendre les champs, qui deuiendront liberaes aussi longuement qu'ilz sont estés en seruitude: & ce quant au visible iugement celeste, que encores que nous soyons au septiesme nombre de mille qui paracheue le tout, nous approchant du huietiesme, ou est le firmamét de la huietiesme sphere, que est en dimension latitudinaire, ou le grand Dieu eternal viendra paracheuer la reuolution: ou les images celestes retournerôt à se mouuoir, & le mouvement superieur qui nous rend la terre stable & ferme, *non inclinabitur in seculum seculi*: hors mis que quand son vouloir sera accompli, ce sera, mais non point autrement: combien que par ambigues opinion

nions excédants toutes raisons naturelles par songes Machometiques, aussi aucune fois Dieu le createur par les ministres de ses messagiers de feu en flamme missive vient à proposer aux sens extérieurs, mesmemēt à nos yeulx, les causes de future predictiō significatrices du cas futur, qui se doibt à cellui qui presaigne manifester. Car le presaigne qui se fait de la lumiere extérieure vient infalliblement à iuger partie avecques & moyennant le lume extérieur: cō bien vrayemēt que la partie qui semble auoir par l'œil de l'entendement, ce que n'est par la lesion du sens imaginatif: la raison est par trop euidente, le tout estre predict par afflation de diuinité, & par le moyen de l'esprit angelique inspiré à l'homme prophetisant, rendāt oinctes de vaticinations, le venant à illuminer, luy esmouuant le deuant de la phantasie par diuerses nocturnes aparitiōs, q̄ par diurne certitude pphetise par administratiō astronomique, cō ioincte de la sanctissime future prediction, ne cōsistāt ailleurs q̄ au courage libre. V iēt asture entēdre mo filz, que ie trouue par mes reuolutions que sont accordantes à reuellée inspiration, que le mortel glaive s'aproche de nous pour asture par peste, guerre plus horrible que

à vie de trois hômes n'a esté, & famine, lequel
tombera en terre, & y retournera louuét, car
les astres s'accordét à la reuolutiõ: & aussi adit
Visitabo i virga ferrea iniquitates eorũ, & i verberibus percutiã eos. car la misericorde du seigneur
ne sera poict dispergée vn téps mó filz, que la
plus part de mes propheties serót acóplies, &
viendrót estre par accóplimét reuoluës. Alors
par plusieurs foys durás les sinistres tépestes,
Conteram ergo dira le Seigneur, *& cõfringam, &
non miserebor:* & mille autres auátures qui auie-
drót par eaux & cõtinuelles pluies, cõme plus
à plain i'ay redigé par escript aux miennes au-
tres propheties qui sont cõposées tout au lóg,
in soluta oratione, limitát les lieux, téps, & le ter-
me prefix que les humains apres venus, verrót
cognoissants les auentures auenues infallible-
mét, cõme auós noté par les autres, parlás plus
clairemét: nõobstát que sous nuée serót cõpri-
les les intelligéces: *sed quando sub mouẽda erit igno-
rãtia,* le cas sera plus esclarci. Faisát fin mó filz,
prés dõc ce dõ de tó pere M. Nostradamus, e-
speráttoy declarer vne chascune prophetie
des quatrains ici mis. Priãt au Dieu immortel
qui te veuille prester vie longue en bonne &
prosperre felicité. De Saló ce j. de Mars 1555



PROPHETIES
DE
M. NOSTRADAMVS.

CENTVRIE PREMIERE.



L STANT assis de nuit se-
cret estude,
Seul repousé sus la selle d'æ-
rain,
Flambe exigue sortant de
solitude,
Fait proférer qui n'est à croire vain.

- 2 Laverge en maï mise au milieu de BRANCHES
De l'onde il moulle & le limbe & le pied.
Vn peur & voix fremissent par les manches,
Splendeur diuine . Le diuin prés s'assied.

- 3 Quand la liètiere du tourbillon versée,
Et seront faces de leurs manteaux couuers,
La republique par gens nouueaux vexée,
Lors blancs & rouges iugeront à l'enuers.
- 4 Par l'vniuers sera faiët vng monarque,
Qu'en paix & vie ne sera longuement:
Lors se perdra la piscature barque,
Sera regie en plus grand detrimement.
- 5 Chassés seront sans faire long combat
Par le pays seront plus fort greués:
Bourg & cité auront plus grand debat,
Carcas. Narbone aurôt cueurs esproués.
- 6 L'œil de Rauenne sera destitué,
Quand à ses pieds les aelles salliront,
Les deux de Bressè auront constitué
Turin, Verseil que Gauloys fouleront.
- 7 Tard arriué l'execution faiëte
Le vent contraire, lettres au chemin prinës
Les coniuers. xij. d'une secte
Par le Rosseau senez les entreprinës.
Combien

8 Combien de foys prinse cité solaire
Seras, changeant les loys barbares & vaines.
Ton mal s'aproche: Plus teras tributaire
La grand Hadrie recourra tes veines.

9 De l'Orient viendra le cueur Punique
Facher Hadrie & les noirs Romulides,
Acompaigne de la classe Libyque,
Trembler Mellites: & proches illes vuides.

10 Serpens transmis dens la caige de fer
Ou les enfans septains du roy sont pris:
Les vieux & peres sortiront bas de l'enfer,
Ains mourir voir de son fruit mort & crys.

11 Le mouuemēt de sens, cueur, pieds, & mains
Seront d'acord. Naples, Leon, Secille,
Glaiues, feus, eaux: puis aux nobles Romais
Plongés, tués, mors par cerueau debile.

12 Dans peu dira faulce brute, fragile,
De bas en hault elle né promptement:
Puis en instant desloyale & labile
Qui de Veronne aura gouuernement.

- 13 Les exiles par ire, haine intestine,
Feron au roy grand coniuration:
Secret meffont ennemis par la mine,
Et les vieux siens contre eux sedition.
- 14 De gēt esclauue chansons, chantz & requestes,
Captifs par princes & seigneur aux prisons:
A l'auenir par idiots sans testes
Seront receus par diuins oraisons.
- 15 Mars nous menasse par la force bellique
Septante foyz fera le sang esprendre:
Auge & ruyne de l'Ecclesiastique
Et plus ceux qui d'eux sié voudrōt entendre.
- 16 Faulx a l'estang ioinct vers le Sagitaire
En son hault A V G E de l'exaltation,
Peste, famine, mort de main militaire:
Le siecle approche de renouation.
- 17 Par quarante ans l'Iris n'aparoistra,
Par quarante ans tous les iours sera veu:
La terre aride en siccité croistra,
Et grands deluges quand sera aperceu.

Par

- 18 Par la discorde negligence Gauloyse
Sera passaige a Mahommet ouuert:
De sang trempe la terre & mer Senoyse
Le port Phocen de voiles & nefz couuert.
- 19 Lors que serpens viendront circuir l'are,
Le sang Troien vexé par les Hespaignes
Par eux grand nombre en sera faicte rare,
Chief, fuy& cache aux mares dâs les laignes.
- 20 Tours, Orleâs, Bloys, Angiers, Reïs, & nâtes
Cités vexées par subit changement:
Par langues eltrâges seront rendues tentes
Flues, dards Reues, terre & mer tréblemēt.
- 21 Profonde argille blanche nourrir rochier,
Qui d'vn abyime istra lacticineuse,
En vain troubles ne l'oleront toucher
Ignorants estre au fond terre argilleuse.
- 22 Ce que viura & n'ayant aucun sens,
Viendra leser à mort son artifice:
Autun, Chalon, Langres & les deux Sens,
La gresse & glace fera grand malefice.

23 Au mois troisieme se leuant le soleil,
Sanglier, liepard au châp mars pour cōbatre.
Liepard laisse au ciel extend son œil,
Vn aigle autour du soleil voyr s'esbaire.

24 A cité neufue pensif pour condemner,
Loysel de proye au ciel se vient offrir:
Après victoire a captifs pardonner,
Cremōe & Mâtoue grâds maux aura souffert

25 Perdu, trouué, caché de si long siecle
Sera pasteur demi dieu honore,
Ains que la lune acheue son grand cycle
Par autres veux sera deshonore.

26 Le grand du fouldre rumbe d'heure diurne,
Mal & predict par porteur postulaire
Suiuant prelaige tumbe d'heure nocturne,
Conflit Reins, Londres, Etrusque pestifere.

27 Dessoubz de chaine Guien du ciel frappe,
Non loing de la est caché le tresor,
Qui par longs siecles auoit este grappé,
Trouue moura: l'œil creué de ressort.

28 La tour de Bouq gandra fuste Barbare,
Vn téps lōg temps apres barque hesperique,
Bestail, gés, meubles tousdeux ferōt grāt tare
Taurus & Libra quelle mortelle picque!

29 Quand le poisson terrestre & aquatique
Par forte vague au grauier sera mis,
Sa forme estrange suave & horrifique,
Par mer aux murs bien tost les ennemis.

30 La nef estrange par le tourment marin
Abourdera pres de port incongneu,
Nonobstant signes de rameau palmerin
Après mort, pille: bon auis tard venu.

31 Tant d'ans les guerres en Gaule dureront,
Oultre la course du Castulon monarque,
Victoire incerte trois grands couronneront
Aigle, coq, lune, lyon, soleil en marque.

32 Le grand empire sera tost translaté
En lieu petit qui bien tost viendra croistre:
Lieu bien infime d'exigue comté
Ou au milieu viendra poser son sceptre

- 33 Prés d'un grant pont de plaine spatieuse,
Le grand lyon par forces Cesarées
Fera abbatre hors cité rigoureuse,
Par effroy portes luy seront reserées.
- 34 L'oyseau de proye volant a la senestre
Auant conflict fait aux Francoys pareure
L'un bon prendra, l'un ambigue sinistre,
La partie foyble tiendra par bon augure.
- 35 Le lyon ieune le vieux surmontera,
En champ bellique par singulier duelle,
Dans caige d'or les yeux luy creuera:
Deux classes vne, puis mourir, mort cruelle.
- 36 Tard le monarque se viendra repentir
De n'auoir mis à mort son aduersaire:
Mais viendra bien à plus hault contenir
Que tout son sang par mort fera defaire.
- 37 Vng peu deuant que le soleil s'esconse
Conflict donné, grand peuple dubieux:
Proffligés, port marin ne fait responce,
Pont & sepulchre en deux estranges lieux.

38 Le Sol & l'aigle au victeur paroistront:
Responce vaine au vaincu l'on assure,
Par cor ne crys harnoys n'arresteront
Vindictte, paix par mort si acheue à l'heure.

39 De nuit dans liēt le supresme estrangle
Pour trop auoir subiourné, blond esleu,
Par troys l'empire subroge exacle,
A mort mettra carte, pacquet ne leu.

40 La trombe faulse dissimulant folie
Fera Bisance vn changement de loys:
Hyltra d'Égypte qui veut que l'on deslie
Edict changeant monnoyes & aloys.

41 Siege en cité, & de nuit assaillie,
Peu eschapés: non loing de mer conflit.
Femme de ioye, retours filz defaillie
Poison & lettres cachées dans le plic.

42 Le dix Kalendes d'Apruil de fait Gotique
Resuscité encor par gens malins:
Le feu estainct, assemblée diabolique
Cherchant les or du d'Amant & Pselyn.
b

Auant qu'auienne le changement d'empire,
Il auindra vn cas bien merueilleux,
Le champ mué, le pilier de porphyre
Mis, translaté sus le rochier noilleux.

44 En brief seront de retour sacrifices,
Contreuenants seront mis à martyre:
Plus ne seront moines abbés ne nouices:
Le miel sera beaucoup plus cher que cire.

45 Secteur de sectes grand preme au delateur:
Beste en theatre, dressé le ieu scenique:
Du faict antique ennobli l'inuenteur,
Par sectes monde confus & scismatique.

46 Tout aupres d'Aux, de Lectore & Mirande
Grand feu du ciel en troys nuits tumbera:
Cause auindra bien stupende & mirande:
Bien peu apres la terre tremblera.

47 Du lac Lemman les sermons facheront:
Des iours seront reduicts par les sepmaines,
Puis mois, puis an, puis tous deffailiront,
Les magistrats damneront leur loys vaines.

Vingt

48 Vingt ans du regne de la lune passés
Sept mil ans autre tiendra la monarchie:
Quand le soleil prendra ses iours lassés
Lors accomplir & mine ma prophetie.

49 Beaucoup beaucoup auant telles meneés
Ceux d'Orient par la vertu lunaire
Lan mil sept cent feront grand emmenées
Subiugant presque le coing Aquilonaire.

50 De l'aquatique triplicité naistra
D'vn qui fera le ieudy pour la feste:
Son bruit, loz, regne, la puissance croistra,
Par terre & mer aux orientis tempeste.

51 Chef d'Aries, Iuppiter & Saturne,
Dieu eternal quelles mutations!
Puis par l'og siecle son maling réps retourne,
Gaule & Itale quelles esmotions!

52 Les deux malins de Scorpion conioints,
Le grand seigneur meurtri dedans la salle:
Peste à l'eglise par le nouveau roy ioint,
L'Europe basse & Septentrionale

53 Las qu'on verra grand peuple tormenté
Et la loy sainte en totale ruine
Par autres loyx toute Chrestienté,
Quand d'or d'argent trouue nouvelle mine.

54 Deux reuolts faits du malin falcigere,
De regne & siecles fait permutation:
Le mobil signe à son endroict si ingere
Aux deux egaux & d'inclination.

55 Sous l'opposite climat Babylonique
Grande sera de sang effusion,
Que terre & mer, air, ciel sera inique:
Secètes, faim, regnes, pestes, confusion.

56 Vous verrés tost & tard faire grand change
Horreurs extremes, & vindications,
Que si la lune conduite par son ange
Le ciel s'approche des inclinations.

57 Par grand discord la trombe tremblera.
Accord rompu dressant la tesse au ciel:
Bouche sanglante dans le sang nagera:
Au sol sa face ointe de laiët & miel.

58 Trenché le ventre, naistra avec deux testes,
Et quatre bras: quelques an s entier viura:
Iour qui Alquilloye celebrera ses festes
Foullan, Turin, chief Ferrare suyura.

59 Les exiles deportés dans les illes
Au chāgement d'vng plus cruel monarque,
Seront meurtrys: & mis deux des scintilles
Qui de parler ne seront estés parques.

60 Vn Empereur naistra pres d'Italie,
Qui a l'Empire sera vendu bien cher,
Diront auecques quels gens il se ralie
Qu'on trouuera moins prince que boucher.

61 La republique miserable infelice
Sera vastée du nouveau magistrat:
Leur grand amas de l'exil malefice
Fera Sueue raur leur grand contract.

62 La grande perte las que feront les lettres:
Avant le cicle de Latona parfait,
Feu, grand deluge plus par ignares sceptres
Que de long siccle ne se verra refaict.

- 63 Les fleaux passés diminue le monde
Long temps la paix terres inhabitées
Seur marchera par ciel, terre, mer, & onde:
Puis de nouveau les guerres suscitées.
- 64 De nuit soleil penseront auoir veu
Quând le pourceau demy-homme on verra,
Bruict, chant, bataille, au ciel battre aperceue
Et bestes brutes a parler lon orra.
- 65 Enfant sans mains iamais veu si grād foudre:
L'enfant royal au ieu d'æsteuf blefés.
Au puy brises:fulgures alant mouldre:
Trois sous les chaines par le milieu troufés:
- 66 Celui qui lors portera les nouvelles,
A pres vn peu il viendra respirer.
Viuiers, Tournon, Môt ferrant & Pradelles,
Gresse & tempestes les fera souspirer.
- 67 La grand famine que ie sens approcher,
Souuent tourner, puis estre vniuerselle,
Si grande & longue qu'on viendra arracher
Du bois racine, & l'enfant de mammelle.

O quel

68 O quel horrible & malheureux torment
Troys innocens qu'on viendra à liurer.
Poyson suspecte, mal garde tradiment
Mis en horreur par bourreaux enyurés.

69 La grand montaigne ronde de sept estades,
Après paix, guerre, faim, inundation,
Roulera loing abysmant grands contrades,
Mesmes antiques, & grand fondation.

70 Pluie, faim, guerre en Perse non celsée
La foy trop grande trahira le monarque,
Par la finie en Gaule commencée:
Secret augure pour à vng estre parque.

71 La tour marine troys foys prise & reprise
Par Hespagnols, barbares, Ligurins:
Marseille & Aix, Arles par ceux de Pise
Vast, feu, ser, pillé Auignon des Thurins.

72 Du tout Marseille des habitans changée,
Course & poursuite iusques au pres de Lyó.
Narbó. Tholoze par Bourdeaux outragée:
Tués captifz presque d'un milion.

73 France à cinq pars par neglect assailie
Tunys, Argiels elmeus par Persiens,
Leon, Seuille, Barcelonne faillic
N'aura la clalle par les Venitiens.

74 Apres seiourné vogueront en Epire:
Le grand secours viendra vers Antioche,
Le noir poil cresp tendra fort à l'empire:
Barbe d'ærain le roustira en broche.

75 Le tyran Siene occupera Sauone:
Le fort gagné tiendra classe marine:
Les deux armées par la marque d'Ancone
Par effraieur le chefs'en examine.

76 D'un nom farouche tel proferé sera,
Que les troys seurs auront fato le nom:
Puis grand peuple par langue & fait d'aura
Plus que nul autre aura bruit & renom.

77 Entre deux mers dressera promontoire
Que puis mourra par le mors du cheual:
Le sien Neptune pliera voyle noire,
Par Calpre & classe aupres de Rocheual.

D'un

78 D'un chief viellard naistra sens hebete,
Degenerant par sauoir & par armes
Le chief de France par sa sœur redouté:
Champs diuisés, concedés aux gendarmes.

79 Bazaz, Lectore, Condon, Aufsch, & Agine
Esmcus par loys, querele & monopole.
Car Bourd. Thoulouze Bay. metra en ruine
Renouueler voulant leur tauropole.

80 De la sixiesme claire splendeur celeste
Viendra tonner si fort en la Bourgoigne:
Puis naistra monstre de treshideuse beste.
Mars, apuril, May, luig grād charpi & rōgne.

81 D'humain troupeau neuf seront mis à part
De iugement & conseil separés:
Leur sort sera diuisé en depart
καπ.Θhita lambda mors, bannis esgarés.

82 Quand les colonnes de bois grande tréblée
D'Auster conduicte couuerte de rubriche
Tant vuidera dehors grand assemblée,
Trembler Vienne & le païs d'Austriche.

83 La gent estrange diuisera butins,
Saturne en Mars son regard furieux:
Horrible strage aux Tosquans & Latins,
Grecs, qui seront à frapper curieux.

84 Lune obscurcie aux profondes tenebres,
Son frere passe de couleur ferrugine:
Le grand caché long temps sous les latebres,
Tiedera fer dans la plaie sanguine.

85 Par la responce de dame, roy troublé:
Ambadassadeurs mespriseront leur vie:
Le grand ses freres contrefera doublé
Par deus mourront, ire, haine, e nuie.

86 La grande royne quand se verra vaincu,
Fera excès de masculin courraige:
Sus cheual, flueue passera toute nue,
Suite par fer: à foy fera outrage.

87 Ennofigée feu du centre de terre
Fera trembler au tour de cité neufue:
Deux grāds rochiers lōg répsferont la guerre
Puis Arethusa rougira nouveau fleue.

Le diuin

88 Le diuin mal surprendra le grand prince
Vn peu deuant aura femme espoufée,
Son puy & credit à vn coup viendra mince,
Confeil mourra pour la teſte rafée.

89 Tous ceux de Ilerde ferôt dedans Moſſelle,
Metans à mort tous ceux de Loyre & Seine:
Secours marin viendra pres d'haulte velle
Quand Heſpagnols ouurira toute veine.

90 Bourdeaux, Poitiers, au ſon de la campane'
A grande claſſe ira iuſques à l'Angon,
Contre Gauloys ſera leur tramontane,
Quãd môſtres hideux naiſtra pres de Orgon.

91 Les dieux feront aux humains apparence,
Ce qu'ils feront auteurs de grand conflit:
Auant ciel veu ſerain eſpée & lance,
Que vers main gauche ſera plus grand afflit

92 Sous vn la paix par tout ſera clameé,
Mais non long temps pille & rebellion,
Par refus ville, terre & mer entamée,
Morts & captifz le tiers d'vn milion.

95 Terre Italique pres des monts tremblera,
Lyon & coq non trop confederés,
En lieu de peur l'un l'autre aidera
Seul Castulon & Celtes moderés.

96 Au port Selin le tyran mis à mort
La liberté non pourtant recourée:
Le nouveau Mars par vindicte & remort:
Dame par force de frayeur honorée.

97 Deuant monstier trouué enfant besson
D'heroic sang de moine & vestutisque:
Son bruit par secte langue & puissance son
Qu'on dira fort eleué le vopisque.

98 Celui qu'aura la charge de destruire
Temples, & sectes, changés par fantasie,
Plus aux rochiers qu'aux viuás viédra nuire
Par langue ornée d'oreilles ressaisies.

99 Ce que fer flamme n'asceu paracheuer,
La douce langue au conseil viendra faire.
Par repos, songe, le roy fera resuer.
Plus l'ennemi en feu, sang militaire.


Le chef


98 Le chef qu'aura conduit peuple infini
Loing de son ciel, de meurs & lāgue eſtrāge:
Cinq mil en Crete & Theſſale ſnoi,
Le chef fuiant ſauuē en marine grange.

99 Le grand monarque que fera compaignie
Auecq deux roys vnis par amitiē:
O quel ſouſpir fera la grand meſnie:
Enſants Narbon à l'entour quel pitie!

100 Long temps au ciel ſera veu gris oiſeau
Au pres de Dole & de Touſquane terre,
Tenant au bec vn verdoiant rameau,
Mourra toſt grand, & finira la guerre.

c iij





PROPHETIES
DE
M. NOSTRADAMVS.

CENTVRIE SECONDE.



1

VERS Aquitaine par in-
sults Britanniques,
De par eux mesmes grandes
incurfions.
Pluies, gelées ferôt terroirs
iniques,
Port Selyn fortes fera inuafions.

2

La teste blue fera la teste blanche
Autant de mal que France a fait leur bien.
Mort a l'anthéne grand pédu sus la branche,
Quand prins des fiés le roy dira combien.

POUR

- 3 Pour la chaleur solaire sus la mer
De Negreponc les poissons demis cuits:
Les habitans les viendront entamer
Quand Rod.& Gennes leur faudra le biscuit
- 4 Depuis Monech iusques au pres de Secile
Toute la plage demourra desolée,
Il ny aura fauxbourg, cité, ne vile
Que par Barbares pillée soit & vollée.
- 5 Qu'en dans poisson, fer & letre enfermée
Hors sortira qui puyz fera la guerre,
Aura par mer sa classe bien ramée
Apparoissant pres de Latine terre.
- 6 Aupres des portes & dedans deux cités
Seront deux fleaux onques n'aperceu vn tel,
Faim dedans peste, de fer hors gens boutés,
Crier secours au grand Dieu immortel.
- 7 Entre plusieurs aux isles deportés
L'vn estre nay à deux dens en la gorge
Mourront de faim les arbres esbrotés
Pour eux neuf roy nouvel edict leur forge.

- 8 Temples sacrés prime façon Romaine
Reieteront les goffes fondements,
Prenant leurs loys premieres & humaines,
Chassant, non tout, des saints les cultements.
- 9 Neuf ans le regne le maigre en paix tiendra,
Puis il cherra en soif si sanguinaire:
Pour luy grád peuple sans foy & loy mourra
Tué par vn beaucoup plus de bonnaire.
- 10 Auant long temps le tout sera range
Nous esperons vn siecle bien fenestre:
L'estat des masques & des seulz bien changé
Peu troueront qu'a son rang veuille estre.
- 11 Le prochain fils de l'asnier paruiendra
Tant esleué iusques au regne des fors,
Son aspre gloire vn chascun la craindra,
Mais ses enfants du regne getés hors.
- 12 Yeux clos, ouuerts d'antique fantasie
L'habit des seulz seront mis à neant,
Le grand monarque chastiera leur frenesie
Rauir des temples le tresor par deuant.

Le corps

12 Le corps sans ame plus n'estre en sacrifice.
Iour de la mort mis en natiuité.
L'esprit diuin fera l'ame felice
Voiant le verbe en son eternité.

13 A. Tours, lean, garde serôt yeux penetrants
Descouriront de loing la grand sereyne,
Elle & la suite au port seront entrants
Combat, poulsés, puissance souueraine.

14 Vn peu deuant monarque trucidé?
Castor Pollux en nef, astre crinite.
L'erain publicq par terre & mer voidé
Pise, Ast, Ferrare, Turin, terre interdite.

15 Naples, Palerme, Secille, Syracuses.
Nouveaux tyrans, fulgures feuz celestes.
Force de Londres, Gand, Brucelles, & Suses
Grand hecatombe, triumph, faire festes.

16 Le camp du temple de la vierge vestale,
Non esloigné d'Ethne & monts Pyrenées
Le grand conduict est caché dans la riale
North. getés flues & vignes mastinées.

18 Nouvelle & pluie subite impetueuse
Empeschera subit deux exercites.
Pierre, ciel, feuz faire la mer pierreuse,
La mort de lept terre & marin subites.

19 Nouveaux venus, lieu basti sans defense,
Occuper place par lors inhabitable.
Prez, maisons, chāps, villes prēdre a plaisir,
Faim, peste, guerre, arpen long labourable.

20 Freres & seurs en diuers lieux captifs
Se trouueront passer pres du monaque,
Les contempler les rameaux ententifz,
Desplaisāt voir mētō, frōt, nez, les marques.

21 L'embassadeur enuoyé par biremes
A mi chemin d'incogneuz repoules:
De sel renfort viendront quatre triemes,
Cordes & chaines en Negre pont troussés.

22 Le camp Asop d'Eurotte partira,
S'adioignant proche de lisse submergée.
D'Arton classe phalange pliera,
Nōbril du monde plus grād voix subrogée.
Palais,

23 Palais, oyseaux, par oyseau dechassé,
Bien tost apres le prince preuenu,
Combien qu'hors fleuve enemis repoulse
Dehors saisi trait d'oyseau soustenu.

24 Bestes farouches de faim flues tranner:
Plus part du camp encontre Hister sera,
En cage de fer le grand sera treisner,
Quand R in enfant Germain observera.

25 La garde estrange trahira forteresse:
Espoir & vmbre de plus hault mariage.
Garde deceue, sort prinse dans la presse,
Loyre, Son. R osne, Gar. à mort outrage.

26 Pour la faueur que la cité fera
Au gran qui tost perdra champ de bataille,
Fuis le rang Po, Thesin versera
De sâg, feuz, morts, noyes de coup de taille.

77 Le diuin verbe sera du ciel frapé,
Qui ne pourra proceder plus auant.
Du referant le secret estoupé
Qu'on marchera par dessus & deuant.

- 28 Le penultime du surnom du prophete
Prendra Diane pour son iour & repos:
Loing vaguera par frenetique teste,
Et deliurant vn grand peuple d'impos.
- 29 L'oriental sortira de son siege,
Passer les monts Apennins, voir la Gaule:
Transpercera du ciel les eaux & neige:
Et vn chascun frapera de sa gaulc.
- 30 Vn qui les dieux d'Annibal infernaulx
Fera renaistre, effrayeur des humains
Oncq' plus d'horreurs ne plus pire iournaux
Qu'auint viendra par Babel aux Romains.
- 31 En Campanie Cassilin sera tant
Qu'õ ne verra que d'eaux les chps couuerts
Deuant apres la pluye de long temps
Hors mis les arbres rien l'on verra de vert.
- 32 Laiet, sang, grenoilles escoudre en Dalmatic,
Conflit donn, peste pres de Balenne:
Cry sera grand par toute Esclauonie
Lors naistra monstre pres & dedans Raune.
- Par le

33 Par le torrent qui descent de Verone
Par lors qu'au Po guindera son entrée,
Vn grand naufrage, & nō moins en Garōne
Quāt ceux de Gēnes marcherōt leur cōtrée.

34 L'ire insensée du combat furieux
Fera à table par freres le fer luire
Les despartir mort, blessé, curieux:
Le fier duelle viendra en France nuire.

35 Dans deux logis de nuit le feu prendra,
Plusieurs dedans estoufés & rostis.
Pres de deux fleuves pour seur il auindra
Sol, l'Arq, & Caper tous seront amortis.

36 Du grand Prophete les lettres serōt prinſes
Entre les mains du tyrant deuiendront:
Frauder son roy seront ses entreprinſes,
Mais ses rapines bien tost le troubleront.

37 De ce grand nombre que lon enuoyera
Pour secourir dans le fort assiegés,
Peste & famine tous les deuorera
Hors mis septante qui seront proffigés.

38 Des condamnés sera fait vn grand nombre
Quand les monarques seront conciliés:
Mais a l'vn d'eux viendra si malencontre
Que guerres ensemble ne seront raliés.

39 Vn an deuant le conflit Italique,
Germain, Gaulois, Hespagnols pour le fort:
Cherra l'escolle maison de republique,
Ou, hors mis peu, seront suffoqués morts.

40 Vn peu apres non point longue interualle.
Par mer & terre sera fait grand tumulte,
Beaucoup plus grande sera pugne nauale,
Feus, animaux, qui plus feront d'insulte.

41 La grand' estoile par sept iours bruslera,
Nuée sera deux soleils apparoir:
Le gros mastin toute nuit hurlera
Quand grand pouufe changera de terroir.

42 Coq, chiens, & chats de sang seront repeus,
Et de la plaie du tyran trouué mort,
Au liét d'un autre iambes & bras rompus,
Qui n'auoit peur mourir de cruel mort.

Durant

- 43 Durant l'estoy le cheuelue apparente,
Les trois grās princes seront fait ennemis,
Frappes du ciel, paix terre tremulente.
Po, Tymbre vndants, serpant sus le bort mis.
- 44 L'aigle poufée en tour des pavillons
Par autres oyseaux d'entour sera chassée,
Quand bruit des cymbres, tubes & sonnaillō:
Rendront le sens de la dame insensée.
- 45 Trop le ciel pleure l'Androgyn procrée,
Pres de ce ciel sang humain respandu,
Par mort trop tarde grand peuple recrée
Tard & tost vient le secours attendu.
- 46 Apres grād trouble humaī, plus grād s'aprest
Le grand mouteur les siecles renouuele.
Pluie, sang, lait, famine, fer, & peste
Au ciel veu, feu courant longue estincele.
- 47 L'ennemi grand viel dueil meurt de poison:
Les souuerains par infinis subiuguez.
Pierres plouuoir, cachés sous la toison:
Par mort articles en vain sont allegués.
- d iij

- 48 La grand copic que passera les monts.
Saturne en l'Arq tournant du poisson Mars
Venins cachés sous testes de faulmons:
Leurs chief pendu à fil de polemars.
- 49 Les conseilliers du premier monopole,
Les conquerants leduits pour la Melite:
Rodes, Bisance pour leurs exposant pole:
Terre faudra les poursuiuants de suite.
- 50 Quād ceux d'Ainault, de Gád & de Brucelles
Verront à Langres le siege deuant mis
Derrier leurs flanez seront guerres crueles,
La plaie antique sera pis qu'ennemis.
- 51 Le sang du iuste à Londres fera faute
Bruslés par fouldres de vint trois les six.
La dame antique cherra de place haute:
De mesme secte plusieurs seront occis.
- 52 Dans plusieurs nuits la terre tremblera:
Sur le prins temps deux effors suite:
Corynthe, Ephese aux deux mers nagera:
Guerre s'esmeut par deux vaillans de luite.
La gran

- 53 La grande peste de cite maritime
Ne cessera que mort ne soit vengée
Du iuste sang, par pris d'anne sans crime
De la grand dame par feincte n'outraigée.
- 54 Par gent estrāge, & de Romains loingtaine
Leur grand cite apres caue fort troublee,
Fille sans main, trop different domaine,
Prins chief, sarreure n'auoir esté riblee.
- 55 Dans le conflit le grand qui peualloyt,
A son dernier sera cas merueilleux:
Pendant qu'Hadrie verra ce qu'il falloyt,
Dans le banquet pongnale l'orgueilleux.
- 56 Que peste & glaive n'a peu seu definir
Mort dans le puy, sommet du ciel frappé.
L'abbé mourra quand verra ruiner
Ceux du naufrage l'escueil voulāt grapper
- 57 Auant conflit le grand mur rumbera:
Le grād à mort, mort trop subite & plainte:
Nay imparfaict: la plus part nagera:
Aupres du fleuve de sang la terre tains.

58 Sans pied ne main par d'end ayguë & forte
Par globe au fort de porc & laigné nay:
Pres du portail desloyal se transporte
Silene luit, petit grand emmené.

59 Classe Gauloyse par apuy de grand garde
Du grand Neptune, & ses tridents souldars
Rouggée Prouëce pour sostenir grand bade:
Plus Mars Narbon. par iauelotz & dards.

60 La foy Punicque en Orient rompue
Gang. Iud. & Rosne, Loyre, & Tag chan-
Quand du mulet la faim sera repue, (geront,
Classe espargie, sang & corps nageront.

61 Euge, Tamins, Gironde & la Rochele:
O sang Troien! Mars au port de la fleche
Derrier le fleuve au fort mise l'eschele,
Pointes a feu gran meurtre sus la bresche.

62 Mabus puis tost alors mourra, viendra
De gens & bestes vne horrible defaite:
Puis tout à coup la vengeance on verra
Cët, main, soif, faim, quãd courra la comete.

Gaul

63 Gaulois, Aufone bien peu subiugvera.
Po, Marne, & Seine fera Perme l'vrie
Oui le grand mur contre eux dressera
Du moindre au mur le grand perdra la vie.

64 Seicher de faim, de soif gent Geneuoise
Espoir prochain viendra au detaillir,
Sur point tremblant fera loy Gebenoise.
Classe au grand port ne se peut acuilir.

65 Le parc enclin grande calamité
Par l'Hesperie & Insubre fera:
Le feu en nef, peste & captiuité:
Mercure en l'Arq Saturne fenera.

66 Par grans dangiers le capuf echapé:
Peu de temps grand la fortune changée.
Dans le palais le peuple est attrapé
Par bon augure la cité est assiegée.

67 Le blonde au nez forche viendra cōmeure
Par le duelle & chassera dehors:
Les exiles dedans fera remettre
Aux lieux marins commetât les plus forts.

68 De l'Aquilon les efforts seront grands:
Sus l'Ocean sera la porte ouverte,
Le regne en l'isle sera reintegrand:
Tremblera Londres par voile descouverte.

69 Le roy Gauloys par la Celtique dextre
Voiant discorde de la grand Monarchie,
Sus les trois pars fera fleurir son sceptre,
Contre la cappe de la grand Hirarchie.

70 Le dard du ciel fera son extendue
Mors en parlant: grande execution.
La pierre en l'arbre, la fiere gent rendue,
Brut, humain monstre, purge expiation.

71 Les exilés en Secile viendront
Pour deliurer de faim la gent estrange:
Au point du iour les Celtes luy faudront:
La vie demeure a raison: roy se range.

72 Armée Celtique en Italie vexée
De toutes pars conflict & grande perte:
Romains suis, ô Gaule repoulsée,
Pres du Thesin, Rubicon pugne incerte.

- 73 Au lac Fucin de Benac le riuage
Prins du Lemán au port de l'Orguion:
Nay de troys bras predict belliq image,
Par troys couronnes au grand Endymion.
- 74 De Sens, d'Autun viendrót iusques au Rosne
Pour passer outre vers les monts Pyrenées:
La gent sortir de la Marque d'Anconne:
Par terre & mer le suura à grans trainées.
- 75 La voix ouye de l'insolit oyscau,
Sur le canon du respiral estaige,
Si haut viendra du froment le boisseau,
Que l'hóme d'hóme sera Anthropophage.
- 76 Foudre en Bourgoigne fera cas porteteux,
Que par engin ne pourtoit faire
De leur senat sacriste fait boiteux
Fera sauoir aux ennemis l'affaire
- 77 Par arcs feuz poix & par feuz repoussés:
Cris, harlemens sur la minuit ouys.
Dedans sont mis par les ramparts cassés
Par cunicules les tradiseurs fuis.

78 Le grand Neptune du profond de la mer
De gent Punique & sang Gauloys melleé,
Les Isles à sang, pour le tardif ramer:
Plus luy nuira que l'occult mal celé.

79 La barbe crespé & noire par engin
Subiuguera la gent cruele & fiere.
Le grand CHYREN osterá du longin
Tous les capufs par Seline baniere.

80 Apres conflit du lesé l'eloquence
Par peu de temps se tramme faint repos:
Point l'on n'admet les grands à deliurance:
Les ennemis sont remis à propos.

81 Par feu du ciel la cité presque aduste:
L'Vrne menasse encor Deucalion:
Vexée Sardaigne par la Punique fuste
Apres que Libra laitra son Phaëton.

82 Par faim la proye fera loup prisonnier
L'assaillant lors en extreme detresse.
Le nay avant au deuant le dernier,
Le grand a'eschappe au milieu de la presse.

83 Le gros trafficq du grand Lyon change
La plus part tourne en pristinne ruine,
Proye aux souldars par pille vendange
Par Iuramont & Sueue bruine.

84 Entre Campaigne, Sienne, Flora, Tuscie
Six moys neufz iours ne ploura vne goutte.
L'estrange langue en terre Dalmatie
Courira sus: vastant la terre toute.

85 Le vieux plain barbe sous l'estatut seuerre,
A Lyon fait dessus l'Aigle Celtique:
Le petit grand trop outre perseuerre:
Bruit d'arme au ciel: mer rouge Lygustique:

86 Naufraige a classe pres d'onde Hadriatique:
La terre elmeuë sus l'air en terre mis:
Egypte tremble augment Mahometique
L'Herault soy rendre à crier est commis.

87 Apres viendra des extremes couruës
Prince Germain sus le throsne doré:
La seruitude & eaux rencontrees
La dame serue, son temps plus n'adoreé.

88 Le circuit du grand faict ruineux
Le nom septiesme du cinquiesme sera:
D'un tiers plus grand l'estrange belliqueux.
Monton, Lucece, Aix ne garantira.

89 Du iou seront demis les deux grādz maistres
Leur grand pouuoir se verra augmenté:
La terre neufue sera en les hauls estres:
Au sanguinaire le nombre racompté.

90 Par vie & mort changé regne d'Ongrie:
La loy sera plus aspre que seruice,
Leur grand cité d'vrlemés plaincts & crie:
Castor & Pollux ennemis dans la lyce.

91 Soleil leuant vn grand seulon verra
Bruit & clarté vers Aquilon tendant:
Dedans le rond mort & cris lont orra
Par glaiue, feu, faim, mort les attendants.

92 Feu couleur d'or du ciel en terre veu:
Frappe du hault, nay, fait cas merueilleuz:
Grad meurtre humain: pris du grād le nepueu,
Morts d'expectacles eschappé l'orgueilleux.

Bien

93 Bien pres du Tymbre presse la Libytine:
Vng peu deuant grand inundation:
Le chef du nef prins, mis a la sentine:
Chateau, palais en conflagration.

94 GRAN. Po, grād mal pour Gauloys receura,
Vaine terreur au marin Lyon:
Peuple infini par la mer passera,
Sans eschapper vn quart d'vn milion.

95 Les lieux peuples seront inhabitables:
Pour champs auoir grande diuision:
Regnes liurés a prudents incapables:
Lors les grands freres mort & di ssension.


96 Flambeau ardent au ciel soir sera veu
Pres de la fin & principe du Rosne:
Famine, glaiue: tard le secours pourueu,
La Perse tourne enuahir Macedoine.


97 Romain Pontife garde de t'approcher
De la cité qui deux fleues arrouse,
Ton sang viendras au pres de la cracher,
Toy & les tiens quand fleurira la rose.

98 Celuy du sang respers le vifaige
De la victime proche sacrifiée:
Tonant en Leo augure par presaiige:
Mis estre à mort lors pour la fiancée.

99 Terroir Romain qu'interpretoit augure,
Par gent Gauloyse sera par trop vexée:
Mais nation Celtique craindra l'heure,
Boreas, classe trop loing l'auoir poussée.

100 Dedans les isles si horrible tumulte,
Rien on n'orra qu'vne bellique brigue,
Tant grand sera des predateurs l'insulte,
Qu'on se viendra ranger à la grand ligue.





PROPHETIES
DE
M. NOSTRADAMVS.

CENTVRIE TIERCE.

1



PRES combat & batail-
le nauale,
Le grand Neptune à son
plus hault beffroy,
Rouge auersaire de fraieur
viendra passe,
Metant le grand ocean en effroy.

2

Le diuin verbe donra à la substance
Cõpris ciel terre, or occult au fait mystique
Corps, ame, esprit aiant toute puissance,
Tant sous ses pieds, cõme au siege celiques.

f ij

- 3 Mars & Mercure & l'argétioint ensemble
Vers le midi extreme siccité:
Au fond d'Asie on dira terre tremble,
Corinthe, Ephese lors en perplexité.
- 4 Quād seront proches le defaut des lunaires,
De l'vn a l'autre ne distant grandement,
Froid, siccité, danger vers les frontieres,
Mesmes ou l'oracle a prins commencement.
- 5 Pres, loing defaut de deux grand luminaires
Qui suruiendra entre l'Auril & Mars.
O quel cherté! mais deux grands debonaires
Par terre & mer secourront toutes pars.
- 6 Dans temples clos le foudre y entrera.
Les citadins dedans leurs forts greués:
Cheuaux, beufs, hōmes. l'ode mur touchera,
Par faim, soif sous les plus foibles arnés.
- 7 Les fuitifs, feu du ciel sus les piques:
Conflit prochain des corbeaux s'esbatans,
De terre on crie aide secour celiques,
Quand pres des murs seront les combatans

8 Les Cimbres joints avecques leurs voisins,
Depopuler viendront presque l'Espaigne:
Gents amassés Guienne & Limosins
Seront en ligue, & leur feront compaignie.

9 Bourdeaux, Rouen & la Rochele joints
Tiendront au tour la grand mer oceane:
Anglois, Bretons & les Flamans conioints
Les chasseront iusques au-pres de Roane

10 De sang & faim plus grande calamité
Sept fois s'apreste à la marine plage,
Monech de faim, lieu prins, captiuité,
Le grand mené croc en ferrée caige.

11 Les armes batte au ciel longue saison,
L'arbre au milieu de la cité tombé:
Vermine, rongne, glaiue en face tyson,
Lors le monarque d'Hadrie succombé.

12 Par la tumeur de Heb.Po, Tag. Timbre &
Et par l'estang Leman & Aretin, (Rosae
Les deux grans chefs & cites de Garonne
Prins, morts, noies. Partir humain butin.

- 13 Par foudre en l'arche or & argent fondu:
Des deux captifs l'un l'autre mangera:
De la cité le plus grand estendu,
Quand submergée la classe nagera.
- 14 Par le rameau du vaillant personnage
De France infime: par le pere infelice
Honneurs, richesses travail en son viel aage
Pour avoir creu le conseil d'homme nice.
- 15 Cueur, vigueur, gloire le regne changera
De tous points contre aiant son aduersaire.
Lors France enfance par mort subiuguera.
Le grand regent sera lors plus contraire.
- 16 Le prince Anglois Mars à son cueur de ciel
Voudra pourluiuere sa fortune prospere,
Des deux duelles l'un percera le fiel:
Hay de lui, bien aymé de sa mere.
- 17 Mont Auentine brusler nuit sera veu:
Le ciel obscur tout à vn coup en Flandres,
Quand le monarque chassera son nepueu:
Leurs gés d'Eglise cōmetront les esclādres

18 Apres la pluie laict assés longuete,
En plusieurs lieux de Reins le ciel touché
Helasquel meurtre de seng pres d'eux s'apre
Peres & filz rois n'oleront aprocher. (ste.

19 En Luques sang & laict viendra plouuoir:
Vn peu deuant changement de preteur,
Grād peste & guerre, faim & soif fera voyr
Loing, ou mourra leur prince reteur.

20 Par les contrées du grand fleuve Bethique
Loing d'Ibere, au regne de Granade,
Croix repoussées par gens Mahumetiques
Vn de Cordube trahira la contrade.

21 Au crustamin par mer Hadriatique
Apparoistra vn horrible poisson,
De face humaine, & la fin aquatique,
Qui se prendra dehors de l'ameçon.

22 Six iours l'assaut deuant cité donné:
Liurée sera forte & aspre bataille:
Trois la rendront & à eux pardonnés
Le reste a feu & sang tranche traille.

23 Si France passes outre mer lygustique,
Tu te verras en isles & mers enclos:
Mahómet cõtraire: plus mer Hadriatique:
Chevaux & d'asnes tu rougeras les os.

24 De l'entreprinse grande confusion,
Perte de gens, thresor innumerable:
Tu ny dois faire encor extension
France a mon dire fais que sois recordable.

25 Qui au royaume Nauarrois paruiendra
Quand de Secile & naples seront ioints:
Bigorre & Landes par Foyx Loron tiendra,
D'vn qui d'Espaigne sera par trop cõioint

26 Des rois & princes dresseront simulacres,
Augures, creuz esteués aruspices:
Corne, victime d'orée, & d'azur, d'acre:
Interpretés seront les extispices.

27 Prince Libyque puissant en Occident
Francois d'Arabe viendra tant enflammer:
Scauans aux lettres fera condescendent,
La langue Arabe en Francois translater.

De

- 28 De terre foible & pauvre parentele,
Par bout & paix paruiendra dans l'empire.
Long temps regner vne ieune femele,
Qu'oncq en regne n'en suruint vn si pire.
- 29 Les deux nepueus en diuers lieux nourris:
Nauale pugne, terre, peres tumbés
Viendront si haut esleués enguerris
Venger l'iniure: ennemis succombés.
- 30 Celuy qu'en luite & fer au fait bellique,
Aura porté plus grand que lui le pris,
De nuit au lit six lui feront la pique,
Nud sans harnois subit sera surpris.
- 31 Aux chāps de Mede, d'Arabe & d'Armenie,
Deux grands copies trois foys s'assemblerót:
Pres du riuage d'Araxes la mesnie,
Du grand Solman en terre tomberont.
- 32 Le grand sepulcre du peuple Aquitanique
S'aprochera aupres de la Tousquane,
Quād Mars sera pres du coing Germanique,
Et au terroir de la gent Mantuane.

- 33 En la cité ou le loup entrera,
Bien pres de là les ennemis seront:
Copie estrange grand país gastera.
Aux murs & Alpes les amis passeront.
- 34 Quand le defaut du soleil lors sera,
Sus le plain iour le monstre sera veu:
Tout autrement on l'interpretera.
Cherté n'a garde: nul ny aura pourueu.
- 35 Du plus profond de l'Occident d'Europe,
De pauvres gens vn ieune enfant naistra,
Qui par sa langue seduira grande troupe:
Son bruit au regne d'Orient plus croistra.
- 36 Enseveli non mort apopletique
Sera trouue auoir les mains mangées:
Quand la cité damnera l heretique,
Qu'auoit leurs loys si leur sembloit chāgées.
- 37 Avant l'assaut oraison prononcée:
Milan prins d'aigle par embusches deceuz:
Muraille antique par canons enfoncée,
Par feu & sang à mercy peu receuz.

La gent

38 La gent Gauloise & nation estrange
Outre les monts, morts prins & proffigés:
Au mois contraire & proche de vendange
Par les seigneurs en accord rediges.

39 Les sept en trois mis en concorde
Pour subiuguer des alpes A pennines:
Mais la tempeste & Ligure couarde
Les proffigent en subites ruines.

40 Le grand theatre se viendra redresser:
Le dez geté, & les rets ia tendus.
Trop le premier en glaz viendra lasser,
Par arcs prostrait de log temps ia fendus.

41 Bosseu sera esleu par le conseil,
Plus hideux monstre en terre n'aperceu.
Le coup volant prelat creuera l'œil:
Le traistre au roy pour fidele receu.

42 L'enfant naistra à deux dents à la gorge
Pierres en Tuscie par pluie tomberont:
Peu d'ans apres ne sera bled, ne orge,
Pour saouler ceux qui de faim failliront.

- 43 Gents d'alentour de Tarn, Loth, & Garóne,
Gardés les monts A pennines passer,
Vostre tombeau pres de Rome & d'Ancóne
Le noir poil cresp fera trophée dresser.
- 44 Quand l'animal à l'homme domestique
Aprés gráds peines & faults viendra parler:
Le foudre à vierge sera si malefique,
De terre prinse, & suspendue en l'air.
- 45 Les cinq estranges entrés dedans le temple,
Leur sang viendra la terre prophaner:
Aux Thoulousains sera bien dur exemple
D'un qui viendra les loys exterminer.
- 46 Le ciel (de Plancus la cité) nous presaigne
Par clairs insignes & par estoiles fixes,
Que de son change subit s'aproche l'aage,
Ne pour son bien, ne pour les malefices.
- 47 Le vieux monarque deschassé de son regne
Aux Orients son secours ira querre:
Pour peur des croix pliera son enseigne:
En Mitilene ira pour port et terre.

48 Sept cents captifs estaches rudement
Pour la moitié meurtrir, donné le sort,
Le proche espoir viendra si promptement,
Mais non si tost qu'une quinziesme mort.

49 Regne Gauloys tu seras bien change:
En lieu estrange est translaté l'empire
En autres meurs, & loys seras rangé:
Rouan & Chartres te feront bien du pire.

50 La republicque de la grande cité
A grand rigueur ne voudra consentir:
Roy sortir hors par trompette cité
L'eschele au mur, la cité repentir.

51 P A R I S cõiure vn grand meurtre cõmette,
Bloys le fera sortir en plain effet:
Ceux d'Orleans voudrõt leur chef remettre,
Angiers, Troye, l'âgres leur ferõt grâdfoi fait.

52 En la Campaigne sera si longue pluie,
Et en la Pouile si grande siccité.
Coq verra l'aigle, l'acelle mal accomplie:
Par Lyon mise sera en extremité.

53 Quand le plus grand emportera le pris
De Nureberg d'Auspurg, & ceux de Basse
Par Aggripine chef Francqfort repris
Transuerlerót par Flamans iusques en Gale.

54 L'un des plus grands fuira aux Hespaignes,
Qu'en longue plaie apres viendra saigner:
Passant copies par les hautes montaignes
Deuastant tout & puis en paix regner.

55 En l'an qu'un oeil en France regnera,
La court sera à vn bien fascheux trouble:
Le grand de Bloys son ami tuera:
Le regne mis en mal & doute double.

56 Montauban, Nismes, Auignon, & Besier,
Peste, tonnerre & gresle à fin de Mars:
De Paris pont, Lyon mur, Montpellier,
Depuis six cent & sept xxiii. pars.

57 Sept foys changer verrés gent Britannique
Taintz en sang en deux cent nonante an:
Franche non point par apui Germanique.
Aries doute son pole Bastarnan.

Aupres

58 Aupres du Rin des montaignes Noriques
Naistra vn grand de gentis trop tart venu,
Qui defendra SA VROME & Pannoniques,
Qu'on ne saura qu'il sera deuenu.

59 Barbare empire par le tiers vsurpé
La plus grád part de son sang mettra à mort:
Par mort senile par luy le quart frapé,
Pour peur que sang par le sang ne soit mort.

60 Par toute A sie grande proscription,
Mesmes en My sie, Ly sie & Pamphylie:
Sang versera par absolution
D'un ieune noir rempli de felonnie.

61 La grande bande & secte crucigere
Se dressera en Mesopotamie:
Du proche fleuve compaignie legiere,
Que telle loy tiendra pour ennemie.

62 Proche del duero par mer Tyrrene close
Viendra percer les grands monts Pyrenées.
La main plus courte & sa percée gloze,
A Carcassonne conduira ses menées

63 Romain pouuoir sera du tout abas,
Son grand voyfin imiter ses vestiges:
Occultes haines ciuiles, & debats
Retarderont aux bouffons leurs folligges.

64 Le chef de Perse remplira grande OLYMPIE,
Classe trieme contre gent Mahumetique
De Parthe, & Mede: & piller les Cyclades:
Repos long temps au grand port Ionique.

65 Quand le sepulcre du grad Romain trouué,
Le iour apres sera esleu pontife,
Du senat gueres il ne sera prouué
Empoisonné son sang au sacré scyphe.

66 Le grand baillif d'Orleans mis à mort
Sera par vn de sang vindicatif:
De mort merite ne mourra, ne par sort:
Des pieds & mains mal le faisoit captif.

67 Vne nouuele secte de Philofophes
Mespriant mort, or, honneurs & richesses,
Des monts Germains ne seront limitrophes:
A les ensuire auront apui & presses.

Peuple

- 58 Peuple sans chef d'Espagne & d'Italie
Morts, profligés dedans le Cherronneffe:
Leur duy ét trahi par legiere folie
Le sang nager par tout à la traucerse.
- 69 Grand exercite conduict par iouuenceau,
Se viendra rendre aux mains des ennemis:
Mais le viellard nay au demi pourceau,
Fera Chalon & Mascon estre amis.
- 70 La grand Bretagne comprise l'Angleter re
Viendra par eaux si hault à inunder
La ligue neufue d'Aufonne fera guerre,
Que cōtre eux mesmes il se viendrōt bāder
- 71 Ceux dans les isles de long temps assiegés
Prendront vigueur force contre ennemis:
Ceux par dehors morts de faim profligés,
En plus grand faim que iamais seront mis.
- 72 Le bon viellard tout vif enfeveli,
Pres du grand fleuve par fauce souspeçon:
Le nouveau vieux de richesse ennobli
Prins au chemin tout l'or de la rançon.

73 Quand dans le regne parviendra le boiteux
Competiteur aura proche bastard:
Luy & le regne viendront si fort rogneux,
Qu'ains qu'il guerisse son fait sera bien tard.

74 Naples, Florence, Fauence & Imole,
Seront en termes de telle facherie,
Que pour cõplaire aux malheureux de Nol
Plainct d'auoir fait à son chef moquerie. (le,

75 P. A. V. Veronne, Vicence, Sarragouffe
De glaisues loings terroirs de sang humides:
Peste si grande viendra à la grand gouffe
Proches secours, & bien loing les remedes.

76 En Germanie naistront diuerses sectes,
S'approchans fort de l'heureux paganisme,
Le cuer captif & petites receptes,
Feront retour à payer le vray disme.

77 Le tiers climat soubz Aries compris
Lan mil sept cens vingt & sept en Octobre,
Le roy de Perse par ceux d'Egypte prins:
Cõflict, mort, pte: à la croix grád opprobre.

Le

78 Le chef d'Escoffe avec six d'Alemagne
Par gens de mer Orientaux captifs,
Transuerferont le Calpre & Hespagne
Present en Perse au nouveau roy craintif.

79 L'ordre fatal sempiternel par chaisne
Viendra tourner par ordre consequent:
Du port Phocen sera rompue la chaisne:
La cité prinse, l'ennemi quand & quand.

80 Du regne Anglois l'indigne deschassé,
Le conseilier par ire mis à feu:
Ses adherans iront si bas tracer,
Que le bastard sera demi receu.

81 Le grand criard sans honte audacieux,
Sera esleu gouuerneur de l'armée:
La hardiesse de son contentieux,
Le pont rompu, cité de peur pasmée:

82 Freins, Antibol, villes au tour de Nice,
Seront vastées fer, par mer & par terre:
Les sauterelles terre & mer vent propice,
Pris, morts, troussés, pillés sans loy de guerre.

83 Les lons cheueux de la Gaule Celtique
Accompagnés d'estranges nations,
Mettront captif la gent Aquitanique,
Pour succomber à interditions.

84 La grand cité sera bien desolée
Des habitans vn seul ny demeurra:
Mur, sexe, temple, & vierge violée
Par fer, feu, peste, canon peuple mourra.

85 La cité prinse par tromperie & fraude,
Par le moyen d'vn beau ieune atrapé:
Lassaut donné Roubine pres de l'AVDE
Luy & tous morts pour auoir bien trôpé.

86 Le chef d'Aufonne aux Hespagnes ira
Par mer fera arrest dedans Marseille:
Auant sa mort vn long temps languira:
Après sa mort lon verra grand merueille:

87 Classe Gauloyse n'aproches de Corseigne
Moins de sardaigne, tu t'en repentiras
Trestous mourres frustrés de laide Grogne:
Sang nagera: captif ne me croyras.

De

88 De Barcelonne par mer si grand armee,
Toute Marseille de frayeur tremblera:
Isles saisies de mer aide fermée,
Ton traditeur en terre nagera.

89 En ce temps la sera frustré Cypres
De son secours, de ceux de mer Egée:
Vieux trucidés: mais par masses & lyphres
Seduiét leur roy, royne plus outragée.

90 Le grand Satyre & Tigre de Hyrcanie,
Don presente à ceux de l'Ocean:
Le chef de classe istra de Carmanie
Qui prendra terre au Tyrren Phocean.

91 L'arbre qu'auoit par l'og temps mort seché,
Dans vne nuit viendra a reuerdir:
Cron.roy malade, prince pied estaché
Craint d'ennemis fera voile bondir.

92 Le monde proche du dernier periode,
Saturne encor tard sera de retour:
Translat empire deuers nation Brodde:
L'œil arraché à Narbon par Autour.

93 Dans Auignon tout le chef de l'empire
Fera arrest pour Paris desolé:
Tricast tiendra l'Annibalique ire:
Lyon par change sera mal consolé.

94 De cinq cent ans plus compte lon tiendra
Celuy qu'estoit l'ornement de son temps:
Puis à vn coup grande clarté donrra
Que par ce siecle les rendra trescontens.

95 La loy Moricque on verra defaillir:
Après vne autre beaucoup plus seductiue,
Boristhenes premier viendra faillir:
Pardons & langue vne plus attractiue.

96 Chef de FOVSSAN aura gorge couper
Par le ducteur du limier & leurier:
Le faict parré par ceux du mont TARPÉE
Saturne en Leo XIII. de Feurier.

97 Nouvelle loy terre neufue occuper
Vers la Syrie, Iudee, & Palestine:
Le grand empire barbare corruer,
Avant que Phebés son siecle determine.


Deux


98 Deus royals freres si fort guerroyeront
Qu'entre eux sera la guerre si mortelle,
Qu'vn chacun places fortes occuperont:
De regne & vie sera leur grand querele.

99 Aux chás herbeux d'Aléi & du Varneigne,
Du mont Lebron proche de la Durance,
Camp de deux pars conflict sera sy aigre:
Mesopotamie defallira en la France.

100 Entre Gaulois le dernier honoré.
D'homme ennemi sera victorieux:
Force & terroir en moment exploré,
D'vn coup de trait quand mourra l'enuieux.

h iij





PROPHETIES
DE
M. NOSTRADAMVS.

CENTVRIE QVARTÉ.



I



attendu.

Cité liurée au premier corn sonnè.

E L A du reste de sang non
espandu:

Venise quiert secours estre
donné:

Après auoir bien long temps

- 2 Par mort la France prendra voyage à faire
Classe par mer, marcher monts Pyrenées,
Hespagne en trouble, marcher gét militaire:
Des plus grand dames en Frâce emmenées.

De

- 3 D'Arras & Bourges, de Brodes gr̃s ēleignes
Vn plus grand nōbre de Gascōs battre à pied,
Ceux lōg du Rosne faignerōt les Espaignes:
Proche du mont ou Sagonte s'assied.
- 4 L'importēt price faché, plainētz & quereles.
De raptz & pilles par coqz & par libyques:
Grand est par terre, par mer infinies voiles,
Seure Italie sera chassant Celtiques.
- 5 Croix, paix, sous vn accompli diuin verbe,
L'Espaigne & Gaule seront vnis ensemble.
Grand clade proche, & combat tresacerbe:
Cueur si hardi ne sera qui ne tremble.
- 6 D'habits nouveaux apres faicte la treuve,
Malice tramme & machination:
Premier mourra qui en fera la preuve
Couleur venise infidiation.
- 7 Le mineur filz du grand & hay prince,
De lepre aura à vingt ans grande tache:
De dueil sa mere mourra biē triste & mince.
Et il mourra la ou tombe chet lache.

- 8 La grãd cité d'assaut prompt repentin
Surprins de nuit, gardes interrompus
Les excubies & veilles saint Quintin
Trucidés, gardes & les pourtails rompus.
- 9 Le chef du camp au milieu de la presse
D'vn coup de fleche sera blessé aux cuisses,
Lors que Geneue en larmes & detresse
Sera trahie par Lozan & Souysses.
- 10 Le ieune prince accusé faulcement
Metra en troubles le camp & en querelles:
Meurtri le chef pour le soustenement:
Sceptre apaiser: puis guerirescroueles.
- 11 Celuy qu'aura gouuert de la grand cappe
Sera induict a quelque cas patrer:
Les X I L rouges viédrot souiller la nappe
Sous meurtre, meurtre se viendra perpetrer
- 12 Le camp plus grand de route mis en fuite,
Gueres plus outre ne sera pourchassé:
Ost recampé, & legion reduicte
Puis hors des Gaules du tout sera chassé.

De plus

13 De plus grand perte nouvelles rapportées,
Le raport fait le camp s'estonnera:
Bandes vnies encontre reuoltées:
Double phalange grand abandonnera.

14 La mort subite du premier personnaige
Aura changé & mis vn autre au regne:
Tost, tard venu à si haut & bas aage,
Que terre & mer faudra que lon le craigne.

15 D'ou pensera faire venir famine,
De la viendra le ressasiement:
L'œil de la mer par auare canine
Pour de l'vn l'autre donrra huyle, froment.

16 La cité franche de liberté fait serue:
Des profligés & resueurs faitt asyle.
Le roy changé à eux non si proterue:
De cent seront deuenus plus de mille.

17 Changer à Beaune, Nuy, Chalôs & Digeon
Le duc voulant amander la Barrée
Marchât pres fleuue, poisson, bec de plôgeõ,
Verra la queue: porte sera serrée.

18 Des plus lettrés dessus les faits celestes
Seront par princes ignorants reprouués:
Punis d'Edit, chassés, comme scelestes,
Et mis à mort la ou seront trouués.

19 Deuant ROVAN d'Insubres mis le siege,
Par terre & mer enfermés les passages.
D'Haynault, & Flandres, de Gand & ceux de
Par dons l'enees raiuent les riuages. (Liege

20 Paix vberté long temps lieu louera
Par tout son regne desert la fleur de lis:
Corps morts d'eau, terre la lon aportera,
Sperants vain heur d'estre la enteuclis.

21 Le changement sera fort difficile:
Cité, prouince au change gain fera:
Cueur haut, prudent mis, chassé lui habile.
Mer, terre, peuple son estat changera.

22 La grand copie qui sera deschassée,
Dans vn moment fera besoing au roy:
La foy promise de loing sera fauscee
Nud se verra en piteux desarrooy.

23 La legion dans la marine classe
Calcine, Magnes sulphre, & poix brullera:
Le long repos de l'asseurée place:
Port Selyn, Hercle feu les consumera.

24 Ouy sous terre saincte d'ame, voix fainte,
Humaine flamme pour diuine voyr luire,
Fera des feuls de leur sang terre tainte
Et les saints téples pour les impurs destruire.

25 Corps sublimes sans fin à l'œil visibles
Obnubiler viendront par ses raisons:
Corps, front comprins, sens, chief & inuisi-
Diminuant les sacrées oraisons. (bles,

26 Lou grand eyssame se leuera d'abelhos,
Que non sauran don te siegen venguddos
Denuech l'ébousq;, lou gach dessous las rei-
Cieudad trahido p cinq légos nô nudos (hos

27 Salon, Mansol, Tarascon de SEX. Parc,
Ou est debout encor la pyramide,
Viendront liurer le prince Dannemarc
Rachat honni au temple d'Artemide.

- 28 Lors que Venus du sol sera couuert,
 Souz l'esplendeur sera forme occulte,
 Mercure au feu les aura descouuert
 Par bruit bellique sera mis à l'insulte.
- 29 Le sol caché eclipse par Mercure
 Ne sera mis que pour le ciel second.
 De Vulcan Hermes sera faite pasture:
 Sol sera veu pur rutilant & blond.
- 30 Plus xi. fois $\text{D.} \odot$ ne voudra,
 Tous augmentés & baissés de degré:
 Et si bas mis que peu or lon coudra:
 Qu'apres faim, peste descouuert le secret.
- 31 La lune au plain de nuit sus le haut mont,
 Le nouveau sophe d'un seul cerueau la veu:
 Par ses disciples estre immortel semond
 Yeux au mydi. En seins mains, corps au feu.
- 32 Es lieux & temps chair au poiss. donrra lieu.
 La loy commune sera faicte au contraire:
 Vieux tiendra fort, puis oste du milieu
 Le πάντα κοῖνα φιλῶν mis fort arriere.

Jupiter

- 33 Iuppiter joint plus Venus qu'à la Lune
 Apparoissant de plénitude blanche:
 Venus cachée sous la blancheur Neptune,
 De Mars frappé par la granée branche.
- 34 Le grand mené captif d'estrange terre,
 D'or enchainé au roy CHYREN offert,
 Qui dans Ausonne, Millā perdra la guerre,
 Et tout son ost mis à feu & à fer.
- 35 Le feu estaint, les vierges trahiront
 La plus grand part de la bande nouvelle:
 Fouldre à fer, lance les seuls roy garderont:
 Etrusque & Corse, de nuit gorge allumelle.
- 36 Les ieux nouveaux en Gaule redressés,
 Apres victoire de l'Insubre champaigne:
 Monts d'Esperie, les grands liés, troussés:
 De peur trébler la Romaigne & l'Espaigne.
- 37 Gaulois par faults, monts viendra penetrer:
 Occupera le grand lieu de l'Insubre:
 Au plus profond son ost fera entrer:
 Genes, Monech pousseront classe rubre.

38 Pendant que duc, roy, royne occupera
Chef Bizant de captif en Samothrace:
Avant l'assaut l'un l'autre mangera:
Rebours ferré suyura du sang la trasse.

39 Les Rodiens demanderont secours
Par le neglect de ses hoys delaisée.
L'empire Arabe renalera son cour
Par Hesperies la cause redressée.

40 Les forteresses des assieges sarrés
Par poudre à feu profondés en abysme:
Les proditeurs seront tous vifs ferrés
Onc aux sacristes n'auint si piteux scisme.

41 Gymnique sexe captiue par hostaige
Viendra de nuit custodes deceuoyr:
Le chef du camp deceu par son langaige
Lairra a la gente, fera piteux a voyr.

42 Geneue & Langres par ceux de Chartres &
Et par Grenoble captif au Môtlimard (Dolle
Seysset, Losanne par fraudulente dole,
Les trahisont par or soyxante marc.

Seront

43 Seront oys au ciel les armes battre:
Celuy an mesme les diuins ennemis
Voudront loix saintes iniustemēt debarre
Par foudre & guerre biē croyās à mort mis.

44 Lous gros de Mende, de Roudés & Milhau
Cahours, Limoges, Castres malo, sepmano
De nuech l'intrado, de Bourdeaux vncailhau
Par Perigori au roc de la campano.

45 Par conflit roy, regne abandonera:
Le plus grand chef fallira au besong:
Mors profligés peu en rechapera,
Tous deltranchés, vn en sera tesmoing.

46 Bien defendu le fai& par excelence,
Garde roy Tours de ra proche ruine.
Londres & Nantes par Reims fera defense
Ne passés ouire au temps de la bruine.

47 Le noir farouche quand aura essayé
Sa main sanguine par feu, fer, arcs tendus:
Trestout le peuple sera tant effraie:
Voyr les plus grads par col & pieds pendus.

48 Plannure Ausonne fertile, spacieuse
Produira raons si trestant sauterelles:
Clarté solaire deuiendra nubilcuse,
Ronger le tout, grand peste venir d'elles.

49 Deuant le peuple sang sera respandu
Que du haut ciel ne viendra eslogner:
Mais d'un long temps ne sera entendu
L'esprit d'un seul le viendra tesmoigner.

50 Libra verra regner les Hesperies,
De ciel, & terre tenir la monarchie:
D'Asie forces nul ne verra peries
Que sept ne tiennent par rang la hierarchie.

51 Le duc cupide son ennemi ensuiure
Dans entrera empeschant sa phalange:
Astes à pied si pres viendront poursuiure,
Que la journée confite pres de Gange

52 La cité obsesse aux murs hômes & femmes
Ennemis hors le chef prestz à soy rendre
Vent sera fort encontre les gent-darmes:
Chassés seront par chaux, poussiere & cédre.

Les

53 Les fuitifs & bannis reuoqués:
Peres & filz grand garnisent les hauts puids:
Le cruel pere & les siens suffoqués:
Son filz plus pire submergé dans le puis.

F I N.

*Ce present liure a esté acheué d'imprimer
le 1111. iour de Mai M. D. LV.*

k ij

